

# Канон святителю Питириму Тамбовскому

Память празднуем 28 июля (10 августа)

Тропарь, глас 4-й

Вѣры и благочестія наставниче, Церкве свѣтильниче, монашествующих образе, святителю Питириме премудре, стадо твоѣ благочестно упасл еси и ко Христу привел еси, темже в Вышних венцем славы украшен, с нами на земли духом пребываеши, сияя чудесы. Моли Христе Бога спастися душам нашим.

## Канон, глас 2-й

Песнь 1

*Ирмос:* Во глубинѣ постла иногда фараонитское всеоинство преоруженная сила, воплощенное же Слово всезлюбный грех потребило есть: препрославленный Господь славно бо прославися.

*Припев:* Святителю отче наш Питириме, моли Бога о нас.

Христе, Свете истинный, разум мой просвети и сердце очисти, да прославлю память угодника Твоего, Богоноснаго Питирима.

Святителю отче наш Питириме, моли Бога о нас.

Отче преподобне Питириме, огнезрачному Престолу в Вышних предстои и Трисолнечными Светлостями озаряемь, просвети глубину зол моих, яко да и аз пою: славно бо прославися.

Слава: Якоже Моисей Боговидец древле спасе Израиля от руки фараоновы, тако и ты, Богоносне отче, свободи мя от работы врагу, да, радуясь, славолю Бога, дивнаго во святых Своих.

И ныне: Владычице и Мати Избавителя, предстательством Твоим умоли Сына Твоего, да потреби живущий во мне грех и изведет мя в свободу славы чад Своих.

Песнь 3

*Ирмос:* На камени мя веры утвердив, расширил еси уста моя на враги моя, возвесели бо ся дух мой, внегда пети: несть свят, якоже Бог наш, и несть праведен, паче Тебе, Господи.

Святителю отче наш Питириме, моли Бога о нас.

Якоже древле праведная Анна свое чадо, вдал еси себе самого, отче Питириме, в дар Богу. Утверди и мене на камени заповедей Его, да зову: несть свят, яко Бог наш.

Святителю отче наш Питириме, моли Бога о нас.

Отче Питириме, молитвами твоими утверди ум и сердце наше во Господе, возвыси рог христиан православных, да заградятся уста врагов веры и возвеселимся о спасении своем.

Слава: У цельбоноснаго гроба новаго чудотворца да не хвалится сильный силою

своею, да не хвалится мудрый мудростию своею, да не хвалится богатый богатством своим, но о сем да хвалится хваляйся, еже разумети и знати Господа и стяжати богатство благодати Его.

И ныне: Пречистая Деве, Неискусобрачная Мати, неплодную душу мою и безчадную плодоносну покажи благодатию Сына Твоего, молитвами новаго чудотворца Питирима, да зову и аз со всеми верными: несть свят, якоже Бог наш.

Господи, помилуй (трижды).

## Седален, глас 2-й

Аще и зайде прежде под землю тело твоё, но, яко солнце из облак, возсия, лучами благодати блистаяся. Темже память твою совершающе, святителю, со страхом поклоняемся и, яко общему отцу, тепле молимся: избави ны, чада твоя, от бед и нуждных обстояний.

Слава, и ныне: Упование христиан, Пресвятая Деве, Егже родила еси паче ума и слова, умоли, смолёбника Питирима приими, оставление прегрешений и жития исправление подати нам, да поём Тя присно, возвеличившую род наш.

## Песнь 4

*Ирмос:* Пришёл еси от Девы не ходатай, ни Ангел, но Сам, Господи, воплощся, и спасл еси всего мя, человека. Тем зову Ти: слава силе Твоей, Господи.

Святителю отче наш Питириме, моли Бога о нас.

От юности чистотою девства Ангелом в житии поревновал еси, спасению человеков послужил еси, отче Питириме, и к Богу взывал еси, вопия: слава силе Твоей, Господи.

Святителю отче наш Питириме, моли Бога о нас.

Якоже Ангел во плоти, горел еси, святе, огнём любви Христовы и врученныя тебе люди познанием Сына Божия просветил еси, зовущия: слава силе Твоей, Господи.

Слава: Ангеле земный и человеке Небесный, испроси и нам, грешным, спасение у Христа Бога, да и мы купно с тобою зовём: слава силе Твоей, Господи.

И ныне: О Мати Слова и Деве, сохрани ны непорочны от страстей безчестных, да Христу, всельшуся в нас, поём: слава силе Твоей, Господи.

## Песнь 5

*Ирмос:* Просвещение во тьме лежащих, спасение отчаянных, Христэ, Спасе мой, к Тебе утренюю, Царю мира, просвети мя сиянием Твоим, иного бо, разве Тебе, Бога не знаю.

Святителю отче наш Питириме, моли Бога о нас.

Светом Твоим всю вселенную озаривый, просвети тьму мою, Господи, мрак души моея разжени, в честней памяти угодника Твоего Питирима.

Святителю отче наш Питириме, моли Бога о нас.

Светильник сый Солнца Праведнаго, озаряясь присно Светом не вечерним, отче наш Питириме, облистай ум и сердце наше, да, радуящися, Спасу нашему поём: иного, разве Тебе, Бога не знаем.

Слава: Что Тебе принесём, Христэ Спасе наш, кия песни воспоём благосердию Твоему, яко возсиял еси нам свет спасения, избавление от беззаконий наших чудесы многими святителя Питирима.

И ныне: Мати Свята́я, Богородице, рожда́ющая Свет Непристу́пный, не прѣзри моле́ния недостойных чад Твои́х, во тьме грехо́в су́щих, но просвети́ нас све́том боговѣдения, да у́тренююще, сла́вим Тя.

## Песнь 6

*Ирмос:* В бездне греховней валя́ясь, неизсле́дную милосе́рдия Твоего́ призыва́ю бездну: от гли, Бо́же, мя возведи́.

Святителю́ о́тче наш Питири́ме, моли́ Бо́га о нас.

Бездна зол мои́х смуща́ет мя и низво́дит мя во глубину́ отча́яния, но Ты, Бо́же, пучи́на ми́лости сый неисчерпа́емая, даждь ми ру́ку по́мощи, я́ко Петро́ви, предста́тельством ми́лостиваго угодника́ Питири́ма, и спаси́ мя.

Святителю́ о́тче наш Питири́ме, моли́ Бо́га о нас.

Бездно ми́лости и щедро́т, Го́споди, уще́дри ны, поги́бшее создáние Твое́, укроти́ во́лны страсте́й на́ших и в приста́нище спасе́ния ны возведи́, моли́тв ра́ди святите́ля Питири́ма.

Слава: О́тче наш Питири́ме, служи́телю ве́рный Ми́лостиваго Бо́га, умоли́ Его́ благости́ю, да и́миже вестъ судьба́ми спасе́т ны, погиба́ющая, и яви́т нам всемо́гущую по́мощь по твоему́ преда́тельству.

И ныне: Пресвята́я Влады́чице, Мати́ милосе́рдия, обыше́дше, обыдо́ша нас врази́ ве́ры на́шея, и несть заступа́ющего, и погиба́ем, пото́цы бо беззако́ний премого́ша ны, и отчая́ваемся, но Ты Ма́терними Твои́ми щедро́тами приклони́ Сы́на Твоего́ на ми́лость, да спасе́т ны от бед, я́коже от кита́ Иону́.

Го́споди, помилуй (трижды). Слава, и ныне:

## Кондак, глас 8-й

Мона́хов наста́вника изря́дна и святите́ля всем лю́дем ми́лостива, чудотворца́ предивна́ и моли́твенника́ о нас неусы́пна, соше́дшеся, воспои́м Питири́ма, Тамбо́вския земли́ похвалу́.

## Икос

Воспои́м днесъ, ве́рнии, святите́ля вели́каго в пѣснях и пѣнии́х духо́вных: ра́дуйся, о́тче Богоно́сне Питири́ме, Смоле́нская земли́ о́трасль пречестна́я, во гра́де Вя́зме благода́тию Бо́жиею напоенная́ и, я́ко крин, процвѣтшая, Тамбо́вскую же страну́ пло́ды добродете́лей обогати́вшая; ра́дуйся, па́стырю до́брый, насажде́нием и́стинныя ве́ры и све́том благоче́стия тьму нече́стия разгна́вый; ра́дуйся, спаси́тельными труды́ твои́ми и по́двиги мно́ги неве́рныя обрати́вый и ко Христу́ приве́дый; ра́дуйся, чу́дную ико́ну Богома́тере гра́ду Тамбо́ву в насле́дие оста́вивый, от нея́же много́различная́ исцеле́ния источа́ются; ра́дуйся, свои́ма рука́ма ископа́вый кла́дязи воды́ неисчерпа́емая, ю́же с ве́рою пи́юЩИИ прие́млют недуго́в исцеле́ние и от душепа́губных страсте́й свобожде́ние; ра́дуйся, посеще́нием твои́м со дру́ги твои́ми, святите́лем Митрофа́ном и Боголю́бвым Васи́лием, Тамбо́вския де́бри и леса́ облагоуха́вый; ра́дуйся, тем нача́ло ино́ческаго жити́я та́мо положи́вый, в ми́ре же живу́щим о́браз и́стинныя дру́жбы показа́вый; ра́дуйся, Тамбо́вския земли́ похвало́.

## Песнь 7

*Ирмос:* Образу́ злато́му, на по́ле Де́йре служи́му, три́е Твоя́ о́троцы небрего́ша безбо́жнаго велѣ́ния, посреде́ же огня́ вверже́ни, ороша́еми, пояху́: благослове́н еси́, Бо́же о́тец на́ших.

Святителю отче наш Питириме, моли Бога о нас.

Господи Боже наш, Любы неизреченная, человека перстного паче злата и серебра образом Твоим украсил еси, всякими дарованиями и чудесы многими обогатил еси. Темже, память чудотворца Твоего Питирима совершающе, вопиём Ти: благословен еси, Боже отец наших.

Святителю отче наш Питириме, моли Бога о нас.

Преподобне отче Питириме, образ Создателя своего в души твоей от страстей очистив и любовью Божию распалаемь, предал еси себе на служение воли Его, всегда взывая: благословен еси, Боже отец наших.

Слава: Якоже древле отроцы благочестивии в Вавилоне, истинную веру во стране Тамбовстей, отче Питириме, утвердил еси и нечестие обличил еси, всегда труждаяся, благовествуя, моляся и поя: благословен Бог отец наших.

И ныне: Пресвятая Владычице Богородице, образ Твой честный граду Тамбову в благословение и покров державен рукама святителя Питирима даровала еси, да славословим Тобою Державного Христа, Бога нашего.

## Песнь 8

*Ирмос:* В пещь огненную ко отроком еврейским снишедшаго и пламень в росу преложшаго Бога пойте, дела, яко Господа и перевозите во вся веки.

Святителю отче наш Питириме, моли Бога о нас.

Господи Боже мой, пламень огненный древле в росу отроком благочестивым предложивый, пламень страстей моих угаси росю молитв благочестиваго святителя Питирима, да Тя превозношу с ним и аз во вся веки.

Святителю отче наш Питириме, моли Бога о нас.

Отче наш Питириме, слез твоих теченьми огненная искушения страстей и похотей плотских угасил еси и, яко во цветнице, в чистем сердце твоём присно ликовствовал еси: вся дела, благословите, пойте Господа.

Слава: Чистою боголюбовию душею со Ангелы огнезрчному Престолу Бога ныне предстоя, и отгуду незаходимыми зарями облиставаемь, и чудесы многими нам сияя, просвети, отче Питириме, облегающую нас тьму неверия и суеверия, да поём и благословим дивнаго во святых Своих Бога во веки.

И ныне: Якоже огнем пещным, страстьми палимый, зову Ти блудный аз: Владычице Чистая, Мати Всемогущаго, спаси и избави мя от огненнаго осуждения.

## Песнь 9

*Ирмос:* Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная. Тем Всепетую Богородицу величаем.

Святителю отче наш Питириме, моли Бога о нас.

Отца Безначальнаго Слове, Сыне Единородный, человека падшаго хотя обновити, Сын Девы явился еси, и, грехи всего мира взем, на Крест вознесл еси, и отгуду распротертима дланьма расточенная чада Божия собрал еси; темже и мы, днесь союзом любви Твоей связуеми и дивнаго угодника Твоего величаем.

Святителю отче наш Питириме, моли Бога о нас.

Воплощенному Сыну Божию подражая, паче инех смирил еси себе, преподобне отче Питириме, темже и любовь Божию стяжал еси и заблуждая чада Божия

привёл еси ко Отцу Небесному, славити Его благосердие.

Слава: Исполнь любве Христовы, отче наш Питириме, словом и житием паству твою поучал еси сирия призирати, нищия питати, скорбящия утешати. Помолися Спасу Христу, да и мы днесь в память твою украсим себе состраданием и милостынями, якоже чада Божия возлюбленная.

И ныне: Мати Святаа, Безмужная Дево, во чреве Твоём Бога и Человека воедино совокупившая, даруй и нам, расточенным, соединитися во Едином Христе, Сыне Твоём, на Немже утвердися Церковь, Тя величающая.